



**SURAT EDARAN PENTADBIRAN
BILANGAN 23 TAHUN 2013**

**PEMAKLUMAN PENGGUNAAN
JATA NEGERI MELAKA PADA KENDERAAN
DI NEGERI MELAKA**

Pejabat Pendaftar
18 Jun 2013

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan

SURAT EDARAN PENTADBIRAN BIL. 23/2013

PEMAKLUMAN PENGGUNAAN JATA NEGERI MELAKA PADA KENDERAAN DI NEGERI MELAKA

Surat Edaran Pentadbiran ini bertujuan untuk memaklumkan kepada pengetahuan semua Staf Universiti Teknikal Malaysia Melaka (UTeM) mengenai Penggunaan Jata Negeri Melaka Pada Kenderaan di Negeri Melaka.

2.0 Pihak Kerajaan Negeri Melaka melalui surat rujukan JKMM/PENT/14/1 Jilid 4 (10) bertarikh 11 Jun 2013 telah memaklumkan berkenaan penggunaan Jata Negeri Melaka Pada Kenderaan di Negeri Melaka. Dimaklumkan bahawa, Majlis Mesyuarat Kerajaan Negeri (Khas) Bil. 15/2013 yang bersidang pada 22 Mei 2013 telah membangkitkan tentang penggunaan Jata Negeri Melaka. **Penggunaan jata negeri adalah terhad kepada kenderaan rasmi pembesar negeri dan anggota pentadbiran sahaja.** Pihak lain yang sengaja menggunakannya telah melakukan kesalahan dan boleh didakwa di bawah undang-undang sedia ada. Berdasarkan kepada Perkara 160 (1) Perlembagaan Persekutuan tafsiran 'anggota pentadbiran' dalam konteks Persekutuan, bererti seseorang yang memegang jawatan Menteri, Timbalan Menteri, Setiausaha Parlimen atau Setiausaha Parlimen atau Setiausaha Politik dan dalam konteks Negeri, seseorang yang memegang jawatan yang bersamaan dalam Negeri itu atau memegang jawatan sebagai anggota Majlis Mesyuarat Kerajaan Negeri (EXCO). Ini adalah bertujuan bagi mengelakkan penggunaan Jata Negeri Melaka pada kenderaan tidak rasmi, persendirian atau selain yang dinyatakan di para 2 (a) dan (b) secara berleluasa tanpa kebenaran.

3.0 Sehubungan dengan itu, penggunaan jata, menterai rasmi dan nama Yang Dipertua Negeri adalah dilarang dan seseorang yang melanggar peruntukan yang terkandung di dalam Enakmen Lambang-Lambang dan Nama-nama (Mencegah Penggunaan Lambang Dan nama yang diPertua Negeri dan Kerajaan Negeri boleh dikenakan tindakan pendakwaan dan sabit kesalahan boleh didenda tidak melebihi RM1,000.00. Selain itu, tindakan juga boleh dikenakan kepada staf Universiti yang menggunakan jata Negeri Melaka secara salah, tindakan boleh diambil di bawah Enakmen No. 2 tahun 1981 ataupun di bawah Peraturan-Peraturan Pegawai Awam (Kelakuan dan Tatatertib) 1983.

4.0 Oleh itu, semua staf Universiti adalah diminta untuk mematuhi peraturan yang berkuatkuasa bagi mengelakkan daripada berlakunya penyalahgunaanaaan Jata Negeri Melaka.

Sekian, harap maklum.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp